



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14), člana 27. Pravilnika o javnim nabavkama Javne ustanove za predškolski odgoj i obrazovanje „Naše dijete“ Tuzla, a na prijedlog Komisije za javne nabavke, direktor Ustanove donio je sljedeću

ODLUKU

o izboru najpovoljnijeg ponuđača

I

Kao najpovoljniji ponuđač u postupku nabavke radova na ugradnji elektro-instalacija na objektu „Poletarac“ za potrebe JU „Naše dijete“ Tuzla, provedenog putem konkurentskog zahtjeva za dostavljanje ponuda, izabran je „Tirol“ d.o.o. Tuzla.

II

Zadužuje se stručni saradnik za poslove javnih nabavki da obavijesti sve ponuđače o izboru najpovoljnijeg ponuđača iz člana I ove odluke.

III

Zadužuje se Služba za pravne, kadrovske i opće poslove da pripremi sve preduslove za zaključenje ugovora s izabranim ponuđačem po proteku predviđenih zakonskih rokova i procedura.

IV

Vrijednost ove nabavke iznosi 18.267,00 KM bez PDV-a i ista se uklapa u procijenjenu vrijednost nabavke iz Plana nabavki za 2020. broj 04-143-1/2020, red. br. radovi 4., šifra JRJN 45310000-3.

V

Odluka stupa na snagu danom donošenja.

OBRAZLOŽENJE

Na osnovu Zahtjeva za pokretanje postupka javne nabavke br. 01-11-2966-1/2020, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-11-2966-2/2020 od 09.10.2020. godine. Postupak je objavljen na Portalu javnih nabavki BiH broj obavještenja 1194-7-3-44-3-23/20 od 09.10.2020. godine, a poziv za preuzimanje tenderske dokumentacije sa Portala javnih nabavki je upućen privrednim subjektima: „Etalon“ d.o.o. Tuzla, „Noing“ d.o.o. Tuzla i „Termo-elektromontaža“ d.o.o. Tuzla, dok je predmetnu tendersku dokumentaciju u sistemu „E-nabavke“ preuzelo 18 (osamnaest), a izmjenu tenderske dokumentacije 11 (jedanaest) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. 01-202-1/2020 od 17.01.2020. god., konstatovala je da je ponudu predalo 4 (četiri) ponuđača: „Tirol“ d.o.o. Tuzla – broj protokola 01-11-3215/20, „Termo-elektromontaža“ d.o.o. Tuzla – broj protokola 01-11-3216/20, „Nexen“ d.o.o. Banja Luka – broj protokola 01-11-3217/20 i „Deling“ d.o.o. Tuzla – broj protokola 01-11-3218/20.

U skladu sa članom 5. stav (2) i članom 8. Pravilnika o uspostavljanju i radu Komisije za nabavke („Službeni glasnik BiH“, broj 103/14), Komisija je izvršila ocjenu i odabir najpovoljnije ponude te sačinila Zapisnik o pregledu i ocjeni ponuda sa detaljnim obrazloženjem odabira.

Na zatvorenom sastanku, Komisija je izvršila otvaranje, pregled i ocjenu primljenih ponuda i utvrdila sljedeće:



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

- blagovremeno je ponudu predalo 4 ponuđača: „Tirol“ d.o.o. Tuzla, „Termo-elektromontaža“ d.o.o. Tuzla, „Nexen“ d.o.o. Banja Luka i „Deling“ d.o.o. Tuzla.
- nije bilo neblagovremenih ponuda;
- u skladu s tačkom 5.1. *Obilazak mjesta (lokacije) izvođenja radova* tenderske dokumentacije, ugovornom organu su se obratili ponuđači „Tirol“ d.o.o. Tuzla, „Termo-elektromontaža“ d.o.o. Tuzla i „Deling“ d.o.o. Tuzla. U zakazani termin obilaska lokacije, 19.10.2020. godine u 11:00 sati, lokaciju izvođenja radova su obišli ponuđači „Termo-elektromontaža“ d.o.o. Tuzla i „Deling“ d.o.o. Tuzla.
- nakon računске provjere cijena svih pristiglih ponuda, Komisija je ustanovila da je u ponudi ponuđača „Deling“ d.o.o. Tuzla načinjena računska greška. Naime, u stavci br. 10 Aneksa 3. naveden je iznos 6.009,66 KM, a trebalo je da stoji iznos 6.939,66 KM. Analogno tome, navedena greška je uticala i na sveukupnu cijenu ponude koja je trebala da iznosi 38.482,16 KM bez PDV-a, iznos PDV-a 6.541,97 KM, što daje ukupnu cijenu od 45.024,13 KM sa PDV-om. U skladu sa članom 6.6. tenderske dokumentacije, navedenom ponuđaču je 26.10.2020. godine upućen zahtjev za prihvatanje ispravke računске greške br. 01-11-2966-6/2020. Ponuđač „Deling“ d.o.o. Tuzla je prihvatio navedenu grešku i 27.10.2020. godine je dostavio novi obrazac za cijenu ponude korigujući uočenu računsku grešku.
- ponuda ponuđača „Deling“ d.o.o. Tuzla je ocijenjena neprihvatljivom iz razloga što ponuđač nije dostavio odgovarajući obrazac za cijenu ponude - Aneks 3. tenderske dokumentacije. Ugovorni organ je, dana 16.10.2020. godine, odgovarajući na pojašnjenje jednog od ponuđača, izvršio izmjenu tenderske dokumentacije na način da je objavio novi obrazac za cijenu ponude na Portalu javnih nabavki. U svom odgovoru na traženo pojašnjenje, ugovorni organ je jasno naveo: „... Ugovorni organ će izvršiti izmjenu tenderske dokumentacije uvodeći pojam „ekvivalent“ i ista će biti objavljena kao zasebni dokument. Ponuđači će biti obavezni da u svojoj ponudi dostave izmijenjeni obrazac za cijenu ponude.“ Ponuđač „Deling“ d.o.o. Tuzla je u svojoj ponudi br. 452-DB/20 propustio da dostavi izmijenjeni obrazac za cijenu ponude, jer je koristio obrazac objavljen prije izmjene tenderske dokumentacije. Zbog svega navedenog Komisija za javne nabavke je ponudu ponuđača „Deling“ d.o.o. Tuzla ocijenila neprihvatljivom i ista je odbačena u skladu sa članom 68. stav (1) tačka i) Zakona o javnim nabavkama BiH („Sl. glasnik BiH“, broj: 39/14);
- ponude ostalih ponuđača ispunjavaju sve uslove tražene tenderskom dokumentacijom i ocijenjene su prihvatljivim;
- u tenderskoj dokumentaciji je predviđeno provođenje e-aukcije, u skladu sa Pravilnikom o uslovima i načinu korištenja e-aukcije (Sl. list BiH broj 66/16 od 06.09.2016. godine), a planirana e-aukcija za ponuđače koji su ispunili tražene uslove zakazana je za dan 30.10.2020. godine. S obzirom da ponuđač „Termo-elektromontaža“ d.o.o. Tuzla nije dostavio dokumente o ispunjavanju uslova da bi se na njegovu ponudu primijenio preferencijalni tretman domaćeg, ponuda navedenog ponuđača nije umanjivana za procenat od 30 % u svrhu poređenja ponuda. E-aukcija je započela u 14:15 i trajala do 14:25 sati. Aktivno učešće u e-aukciji nije uzeo nijedan privredni subjekat, tako da inicijalne ponude nisu mijenjane i najpovoljnija ponuda je ostvarena u iznosu 18.267,00 KM bez PDV-a. U tom smislu prilažemo tabelarni prikaz prihvatljivih ponuda:

UKUPNA OCJENA PONUDA

REDNI BROJ	NAZIV PONUĐAČA	UKUPAN IZNOS PONUDE BEZ PDV-a	IZNOS PONUDE BEZ PDV-a POSLIJE E-AUKCIJE	KONAČNA RANG LISTA PONUDA
------------	----------------	-------------------------------	--	---------------------------



JAVNA USTANOVA ZA PREDŠKOLSKI ODGOJ I OBRAZOVANJE
„NAŠE DIJETE“ TUZLA
KREČANSKA BROJ 3, 75000 TUZLA
ID BROJ: 4209046740000 CENTRALA/FAX: +38735369920
n-dijete@bih.net.ba www.nasedijete.ba

1.	„Tirol“ d.o.o. Tuzla	18.267,00 KM	18.267,00 KM*	1
2.	„Nexen“ d.o.o. Banja Luka	24.860,00 KM	24.860,00 KM*	2
3.	„Termo-elektromontaža“ d.o.o. Tuzla	34.033,50 KM	34.033,50 KM	3

*preferencijalni tretman domaćeg

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. Shodno tome, ugovorni organ je konstatovao da najpovoljniji ponuđač ispunjava uslove i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.

Pouka o pravnom lijeku:

Protiv ove Odluke može se uložiti žalba Uredu za razmatranje žalbi putem ugovornog organa, u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3. Ponuđač je dužan dostaviti žalbu u dovoljnom broju primjerka.

DOSTAVLJENO:

1. Ponuđačima x 4
2. Spis
3. A/a



DIREKTOR

/ Karić Sanja, dipl. iur /

Broj: 01-11-2966-10/2020
Tuzla, 03.11.2020. godine